


આંજે માટે ખાસો સનેડો

ચોપડી ૨



આંજે માટે ખાસો સનેડો ચોપડી મંજનીઉ વારતાઉ

- પનું ૩ હકડી બાઈ ઈસુ મથે અત્તર રેડેતી
માથ્થી ૨૬ : ૬-૧૩
- પનું ૬ બ માડુ ઈશ્વરજી પ્રાર્થના કરીએંતા
લુક ૧૮ : ૯-૧૪
- પનું ૯ ઈસુ ચાર હજાર માડુએંકે ખારાઈએંતા
માથ્થી ૧૫ : ૩૨-૩૯
- પનું ૧૨ મણીથી વડી આજ્ઞા
માથ્થી ૨૨ : ૩૪-૪૦
- પનું ૧૫ આંજે ઘુસમણે મથે પ્રેમ રખો
માથ્થી ૫ : ૪૩-૪૮
- પનું ૧૭ ઈસુ મરેલે માડુકે જીરો કરીએંતા
લુક ૭ : ૧૧-૧૭
- પનું ૨૦ માફ ન કરીંઘલ માડુ
માથ્થી ૧૮ : ૨૧-૩૫

પેલા હી વાંચ્યો

ઈસુ વિસે કતરીક વારતાઈં હીતે ડિનીઈં અંઈ,
કતરીક વારતાઈં ઈસુજે અજાયબ કમ વિસે અંઈ.
બઈ કતરીક વારતાઈં ઈસુજા ખાસ બોધલાય અંઈ.
હેવર ઈઝરાએલ તરીકે ઓવખોંતા
ઈન દેશમેં ઈસુ રોંઘા હોવા.
ઉતે વસંઘલ વડે ભાગજા માડુ ચહુદી હોવા,
ઈનીજો વડેમેં વડો શેર ચરૂશાલેમ હો.
હીન શેરમેં હકડો મંઘર હો.
ઈન મંઘરમેં ચહુદી ઈશ્વરજો ભજન કરીંઘા હોવા.
હી મળે વારતાઈં બાઈબલ મંજાનું ગનીઈયું અંઈ.
હકડી વારતા પુરેપુરી વાંચી ગનો.
પોયજ બઈ વારતા વાંચીજા
ઈસુ વિસેજ વધુ વારતાઈં
ત્રઈ ચોપડીમેં વાંચેલાય મલનીઈં.

૧ હકડી બાઈ ઈસુ મધે અત્તર રેડેતી



હકડે વખત સિમોન નાલેજે માડુજે ઘરમેં
ઈસુ આયા.
ઉતે ઈસુ જમેલા વિઠા.
ઈસુ જમઘા હોવા તેર
હકડી બાઈ ઉતે આવઈ.
ઈનજે હથમેં ઘોરે પાયણેજો
નંઢો કુપો હો.
ઈનમેં કીમતી અત્તર ભરેલો હો.
ઈન ઈ અત્તર ઈસુજે મધેમેં વિઘેં.



ઈસુજે ચેલે ઈ ડિઠો.

ઈ ઈન બાઈ મથે ગુસ્સે થ્યા.

ઉ ઈનકે ચ્યોં,

“તું હિતરે માળે અત્તરજો બગાડ

કીં કે ?

ઈનકે વેકેસે બોરા પેસા મળ્યા હોવા

અને ઈ પેસા ગરીબેં કે

ડિનેમેં કમ આયા હોવા!”

પંઢજા ચેલા જુકો ચોંઘા ઢોવા,
સે ઈસુ જાણઘા ઢોવા.
પોય ઈની ઉનીકે ચ્યોં,
“ગરીબ માડુ ત હંમેશ આં ભેરાજ અંઈ,
પણ આંઉં કિં હંમેશ આં ભેરો
રેજો નઈયાં.
આંઈ કુલાય ઢીન બાઈકે ઢેરાન કયોંતા?
ઈન તાં ખાસો કમ કે આંય
મુજે ઘફનજી તૈયારી રૂપે
ઈન મું મથે અત્તર રેડે આય.
તેંસે જતેં જતેં
મું વિસે જો ખાસો સનેડો ચેં મેં અચીંઘો
તેં તેં માળુ ઢીન બાઈ કે જાઘ કંઘા.
અને ઈ જુકો કે આંય
તેંજી ગાલ કરીંઘા.”


૨ બ માડુ ઈશ્વરજી પ્રાર્થના
કરીએંતા



બે કોય પણ માડુએ કરીંધે
અસીં ખાસા ઈયું
એળો કતરાક માડુ મંઝંધા હોવા.
એળા કતરાક માડુએ વટે
ઈસુ હી ગાલ કયોં.
હકડો વખત બ માડુ મંધરમેં
પ્રાર્થના કરેલા વ્યા.
ઈન મંજા હકડો ચહુદી ઘરમજા મળે નિયમ
ભરાભર પારીધો હો.
બ્યો માળું કર ઉગરાઈધો હો,
અને ઘરમજે નિયમેમેં બેદરકાર હો.”



“પેલો ધાર્મિક માડુ હકડી કોર ઉભો રયો;
અને પ્રાર્થના કરા લગો.
‘હે ઈશ્વર, આંઉં લોભી અપ્રમાણીક
અથવા અનિતીમાન નઈયા
ઈન જે માટે તેજો એસાન મંજાતો.
બ્યા માડુ ત એળા પાપી અંઈ,
પણ આંઉં નંઈયાં.
આંઉં ઈન કર ઉગરાઈઘલ જેડો નઈયા.
તેસે આંજો એસાન મંજાતો.
અઠવાડિયેમેં બડીં
આંઉં ઉપંવાસ કરીયાં તો,
અને મુંજ આવકજો ડોઉં ભાગ
આંઉં ઘરમદાનમેં ડિઆંતો.’



પણ પેલો કર ઉગરાઈઘલ તો
 છેટે ઓભો રથો.
 ઈન પંઢજો મોં પણ ઉંચું કેન
 ઈ દિલગીર ઘ્યો અને છાતી ફૂટેને ચેંઃ.
 ‘ઈશ્વર આંઉંતા પાપી અંઈયા.
 મુ મથે દયા કરથો.’
 ઈસુ ગાલ પુરી કથોં, અને રથોં,
 ‘કર ઉગરાઈઘલ માડુજો વર્તન ઈશ્વરકે
 પસંદ પે તેળો હો.
 પેલા બ્યા માડુજો ન હો.
 કર ઉઘરાઈઘલ માડુ ઈશ્વરકે
 પસંદ પેઓ અને ઈ ઘરે વ્યો.
 જુકો બે કના વડો ભનેલા
 મંજેતો, સે ઓછોમાન પામીઘો.
 પણ જુકો બે કના
 પંઢકે વડો ગણે નતો,
 ઉનકે જજો માન મલંઘો.’

૩ ઈસુ ચાર હજાર માડુએંકે ખારાઈએંતા



હકડીવાર ઈસુ ડુંગર મથે વ્યા,
અને ઘણે માડુએં કે નરોગી કરીંઘા હોવા.
ઈસુ પંઢજે ચેલેકે પંઢ વટે બોલાયો
અને ઈનીકે ચ્યો,

“હી મળે માડુ હિતે આયા અંઈ,
ઈનીકે નેરેને મુકે દયા અચેતી,
ઈ ત્રે ડીં ઘ્યા મું ભેરા અંઈ,
અને હાણે ઈની વટે ખાઘેલાય
કીં પણ નાય.

ઈ મળે ખાઘે વગર વિંજે,
ત વાટમેં થડી રેં

અને ઈનીકે ખાઘેજો ન કીંયા
અને પાછા વિંજણ ડીંયા, ઈ મુકે ઠીક લગે નતો.

ચેલે ઈસુકે પુછ્યો,
 “હીન ડુંગરાળ પ્રદેશમે
 હિતરે મળે માડુએકે ખારાયલા
 ખોરાક કડાનું ગિનાણો?”



પોય ઈસુ ઈનીકે પુછ્યો,
 “આં વટે કેતરો ખોરાક આય!”

ઉની ચ્યો,

“ફક્ત સત રૂટલીઉં અને થુડીક નંઢીઉં
 મછીઉં અંઈ.”


તેર ઈસુ ઈની મણી માડુએકે
 જમીન મથે વઈ રેજો ચ્યો.

ઈસુ સત રૂટલીઉં અને મછીઉં ગન્યો
 પોય ઈશ્વરજો એસાન મંઝયો
 અને ઈનજા ટુકરા કયો.



ઈની ઈ ખોરાક ચેલેકે ડિનો.
 અને ચેલે માડુએકે ડિનો.
 હરેક માડુ ઘરાઈને ખાંધો.
 પોય ઈસુજે ચેલે
 છડેલા દુકરા ભેરા કરેલા લગા.
 ઉની ઈનીજીઉં સત દુપલીઉં ભર્યો.
 જમઘલ માડુ ચાર હજાર હોવા,
 અને તે ઉપરાંત બાઈમાડુ અને છોકરા હોવા.
 પોય ઈસુ માડુએકે વિદાય કયો.

૪ મણીથી વડી આજ્ઞા



‘ઈસુ કીંક ખોટો કુછે ઈતરેલાય
યહુદી ધરમની કેતરાક આગેવાન,
ભેરા થઈને ચુકતી ઘણોલા લગા.
ઈની મેં હકડો ત યહુદી ધરમજા
નિયમ સખાઈઘલ હો.
ઉંન ઈસુકે પુછે,
“ગુરુજી પાંજે ધરમ સાસતરજી ચોપડીમે
મણીથી વડી આજ્ઞા કઈ આય?”’



ઈસુ જભાભ ડિનો,
“તોકે તોજે કમેંસે,
તોજે વિચારેસે,
ઈતરે તોજે સંપુરાણ જીવનસે
તોજે પ્રભુ ઈશ્વર મથે પુરેપુરો,
પ્રેમ રખણો.
મણીસે વડી ખાણા ઈ જ આય.”



“અને બધાં પણ પેલી જતરીજ
 અગત્યજ આજ્ઞા આપ સે,
 ‘તું તોજ પંઢજ જાત મથે પ્રેમ કરીએંતો
 એળો બે માડુએ મથે પણ પ્રેમ કર.’
 મુસા પયગંબર જુકો નિયમ ડિનો અથો,
 અને ઈશ્વરજ વતી જુકો માળે કુછયા અંઈ,
 ઈની જે શિક્ષણ જો સાર
 ઈની બીં આજ્ઞાએમેં અચી વંઝેતો.”

૫ આંજે ઘુસમણે મથે પ્રેમ રખો



હક્કો વખત ઈસુ ચ્યો,

“માડુ ચેંતા સે આંઈ સોઆ અયાં જે,

‘આજે ભાઈબંધે મથે પ્રેમ કર્યો અને
ઘુસમણેકે ઘિક્કાર્યો!’”

પણ આઉં ચાંતો,

આંજે ઘુસમણે મથે પ્રેમ કર્યો,

આંકે સતાયે ઉનીલાય કરે પ્રાર્થના કર્યો.

ત આઈ ઈશ્વરજા બાલક ભની સગંધા,


અને આંઈ ઉની જેળા થીંધા.

કારણ કે ઉ આંજા આકાશ મંજજા બાપા અંઈ.”



“ઈશ્વર સુરજકે ખાસે અને ખરાભ
 મણી માડુએં મથે ઓગાઈયેંતા.
 ખાસા કમ કંઘલ કે ખરાભ કમ કંઘલ
 મણીલાય મીં વરસાઈએંતા.
 આ મથે પ્રેમ રખંઘા હોય
 ઉની મથેજ આઈ પ્રેમ રખંઘા હો,
 ત ઈશ્વર આંકે તેંજો બઘલો કુરેલાય કરે ડિએ?
 પરદેશી રાજ કરતાએજે માટે કર ઉઘરાઈઘલ
 પણ હેળો ત કરીંએપ્યા.
 અને જો આંઈ આંજે ભાઈબંઘે સે જ કુછો
 ત તેમે આંઈ કુરો નવાઈ કરયોતા?
 જુકો ઈશ્વરકે ઓળખે નતા.
 સે પણ ઓળો ત કરીંએપ્યા!
 ઈશ્વર, આંજા આકાશ મંજજા બાપા,
 હરેક મથે પ્રેમ કરીએંતા.
 અને આંકે પણ ઓળોજ કરણું ખપે.”

૬ ઈસુ મરેલે માડુકે જીરો કરીએં તા



હેકડો વખત ઈસુ નાઈલ નાલેજે નગરમેં વ્યા.

ઈનીજા થેલા ને બ્યા ઘણે માડુ

ઈની ભેરા હોવા

ઈસુ ઈન શેર જે ઘરવાજે વટે પુગા

ઈન ટાણેજ ઈનીકે કેતરાક માડુ


બારાં અચીંધે મલ્યા.

ઈ મળે હકડે મરેલે માડુ કે દટેલા વેંઘા હોવા.


હી મરંઘલ માડુ હકડી વિઘવાજો

હકડો જ પુતર હો.

ઈ વિઘવાબાઈ ભેરા ઘણે માડુ હોવા.



ઈસુ ઈન રુંદી વલધવાબાઈ કે નેરેને
ઈન મથે દયા આવઈ.
ઈન બાઈકે યો, “ રુજ મ.”
પોય ઈસુ અગીયા આયા,
અને મરેલે માડુજ ઠાંઠડી કે અડકયા.
એતરે ઠાંઠડી ખણઘલ ઉભી રયા.
પોય ઈસુ મરેલે માડુકે યોં,
“હે જોવાન, ઉથી!”




મરેલો માડુ જીરો થ્યો,
 અને કુછણ લગો.
 ઈસુ ઈનજી માંકે છોકરો પાછો સોંપ્યો.
 મણીકે બોરો ઘા લગો.
 ઈ મળે ઈશ્વરજા વખાણ કંઘે કુછયા,
 ઈશ્વર તરફનું પથગંબર આયા અંઈ!
 પંઢજા માડુએકે મદદ કરેલાય ઈશ્વર આયા અંઈએ!”
 ઈસુજે કમેંજા સમાચાર
 ઈન સજે પ્રદેશમેં અને
 અડખે પડખેજા બેં પ્રદેશમેં ફેલાજી વ્યા.

૭ માફ ન કરીં ઘલ માડુ

હકડો ડીં ઇસુજે ચેલે પિતરે ઇસુ વટે અચીને પુછે,
“પ્રભુજી, મુંજો ગુનો કરે તેંકે
આંઉ કેતરી વખત માફી ડિંયા!
સત વખત માફ કરીયાં ત ભસ આય!”

ઇસુ જમાભ ડિનોં,
“ઇન કના ઘણં વઘારવાર માફ
કરણું ખપે. માફ કરેજ કરણું ખપે?”
પોય ઇશ્વરજો રાજ કેં જોગો આય
સે વતાયલા ઇસુ હકડી વારતા કયોં.
“હકડે રાજા એડો વિચારકેં કેં,
ઇન જે ચાકરે મથે,
કેતરો લેણો આય તેંજી તપાસ કરીંઆં.
ઇ રાજા તપાસ કેણ લગો,
ત જણાયું કે, હકડો ચાકરતો ઇનજો
લખે રૂપિયેજો ઘેવાઘાર હો.

ઇન ચાકર વટે લેણું પાછો વારે ડિનેલા
પૈસા ન હોવા.
એતરે રાજા ઇન ચાકરકે,
ગુલામ તરીકે વેકે ડિનેજો હોકમ કેં.
ઇનજો લેણો વસુલ કેજે માટે
ઇનજી બાયડી અને ઇનજા છોકરા
અને ઇનજો જી કીકી હો સે મળે
વેકે છડે જો ચ્યો.



“ઈ ચાકર રાજા વટે ગુઠણે પઈને
કરગણા લગો, અને ચેં જે મુંકે થોડોક વધારે
સમય ડિંથો.

ત આંઉ આંજો લેણો ભરી ડીઘોસ,
રાજાકે ઈન મથે દયા આવઈ.
તેસે ઈનજો લેણો માફ કયોં.’
અને ઈ ચાકર કે કી ભરણો પ્યોંન.
રાજા ઈનકે વનણ ડિનો.

હી ચાકર બાર વ્યો.
ઈનજો હકડો ઘેવાઘાર નોકર સામે મલ્યો.
ઈન મથે ઈ થોડાક રૂપિયા મંઘઘો હો.



ઈન ઉન ઘેવાઘાર ચાકરજો ગલો પકરો,
 અને ઈનકે મારેલા લગો.
 અને ચેં,
 તો ગને આય સે મુંજા પૈસા પાછા ડઈ ડેં!
 પેલો ઘેવાઘાર નોકર ઈનજે ઘુઠણ પ્યો,
 અને કરગરણ લગો,
 મુંકે થોડોક વઘારે સમથ ડિઓ!
 આંઉ તોજા મળે પૈસા પાછા ડઈ ડીંઘોસ.”
 પણ ઈ ચાકર ઈનજો કીં પણ સોંચ ન.
 ઉલ્ટો ઈન ઘેવાઘાર ચાકર મળે પૈસા
 ન ભરે તેં સુધી જેલમેં પુરાય.”

“જ કીં ભન્યો સેં બેં ચાકરે ડિંઠો,
અને ઉશ્કેરાજી વ્યા.
ઈ રાજા વટે વ્યા.
અને જુકો ભન્યો દો સે મળો રાજા કેં ચ્યો.



પોય રાજા ઈન ચાકર કે બોલાયો
અને ગુસ્સે થઈને ચ્યો, ઓ નાલાયક!
તો વટે જો મુંજો લેણું મું તોકે માફ કર્યો.
કારણ જે તું કરગરે, તે
મું તો મથે દયા કઈ એળી રીતે
તોકે પણ તોજે સાથી ચાકર મથે
દયા કરણી ખપઈતેં.

રાજા ઉ ચાકર કે
ઈનજો લેણું ભરપાઈ ન કરે તે સુધી
જેલમો હલાઈ ડિંનો.



ઈસુ હી વારતા પુરી કરે અને ચ્યો,
“જડે બ્યાં આંજો ગુનો કરીએ
તેર જો આઈ ખરેં ધીલસે
ઉનકે માફ ન કરથો, ત
મુંજા આકાશ મંજજા બાપા પણ
આંકે માફ કરીંધા ન.”

GOOD NEWS FOR YOU

New Reader Portion Book - 2

Kutchhi

90N 1617/98-99/2M

ISBN N 40 KUTC 198 (Vol II)

ISBN N 90 KUTC 195 (Set)

Published by

The Bible Society of India

206 Mahatma Gandhi Road

Bangalore-560 001

Panther India Printers Telefax: 3326918 / 3420447